



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-1/21-1-40-565-4/24**

Datum: **12.12.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica, Rudnik mrkog uglja «Zenica» d.o.o. Zenica za donošenje rješenja o prethodnoj vodnoj saglasnosti za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku zatvaranja pogona za eksploataciju i preradu mrkog uglja «Stara jama» u gradu Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Pravnom licu, Rudnik mrkog uglja «Zenica» d.o.o. Zenica daje se prethodna vodna saglasnost za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku zatvaranja pogona za eksploataciju i preradu mrkog uglja «Stara jama» u gradu Zenica a u postupku pribavljanja urbanističke saglasnosti.
2. Prethodna vodna saglasnost daje se na osnovu pregleda dostavljene dokumentacije i pod sljedećim uslovima:
 - 2.1. Da je planirana aktivnost zatvaranja pogona/jame za eksploataciju i preradu mrkog uglja «Stara jama» u Zenici usklađena sa važećom prostorno-planskom dokumentacijom i razvojnim planovima grada Zenica.
 - 2.2. Da se u okviru projektnog rješenja zatvaranje pogona/jame «Stara jama» primjene tehničko-tehnološke mjere kojima će se spriječiti kontaminacija voda, tla i zraka. Zatvaranje postojećeg pogona/jame «Stara jama» mora biti u skladu sa zakonskim propisima i standardima EU te sa propisima i zakonima FBiH.
 - 2.3. Da se na osnovu provedenih istražnih radova, rekognosciranja terena, provedenog monitoringa voda, utvrđenog stanja izgrađenih infrastrukturnih objekata i utvrđenog uticaja zatvaranja pogona/jame za eksploataciju i preradu mrkog uglja «Stara jama» na okoliš, površinske i podzemne vode izradi investiciono tehnička dokumentacija za pribavljanje vodne saglasnosti za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog kvaliteta u postupku zatvaranja pogona/jame «Stara jama».
 - 2.4. Investiciono-tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) koja su bitna za konkretan slučaj, a naročito:
 - Tehničko rješenje sistema za prikupljanje, odvodnju i tretman tehnoloških/jamskih voda i oborinskih onečišćenih voda sa svih radnih i manipulativnih površina pogona u toku i nakon zatvaranja jame sa definisanim načinom ispusta prečišćenih voda u recipijent;
 - Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesta vršenja monitoringa prečišćenih voda (okna za uzimanje uzoraka);
 - Obraditi tehničko-tehnološko rješenje načina prihvata i skladištenja eventualno prosute nafte i naftnih derivata kao i opasnih materija i otpada sa svim potrebnim proračunima, tehničkim opisom i grafičkim prilogima;

- Prijedlog programa monitoringa površinskih i podzemnih voda u toku i nakon zatvaranja jame sa grafičkim prikazom monitoring mjesta, brojem uzorkovanja, parametrima kvaliteta i njihovim graničnim vrijednostima emisije (MDK) i dr., a sve u cilju praćenja uticaja aktivnosti zatvaranja jame na stanje voda te postojeća i planirana izvorišta vode za piće ukoliko se ista nalaze na predmetnom području;
 - Sagledati sve moguće neželjene uticaje planiranih radova na zatvaranju jame na režim površinskih i podzemnih voda, postojeću infrastrukturu, druge objekte i postrojenja, stečena prava korisnika, naselja i slično, te dati prijedlog mjera za sprečavanje tih uticaja.
- 2.5. Projektnom dokumentacijom obuhvatiti i u odgovarajućem mjerilu situativno prikazati cjelokupan lokalitet pogona/jame «Stara jama» te definisati tačan položaj/lokaciju pogona u odnosu na otvorene vodotoke, izvorišta vode za piće, naselja, a sve u cilju utvrđivanja trenutnog stanja voda i odabira načina prikupljanja i tretmana procjednih/jamskih i ostalih otpadnih voda prije ispuštanja u recipijent.
 - 2.6. Projektnom dokumentacijom sagledati sve moguće neželjene uticaje planiranih aktivnosti na zatvaranju pogona/jame «Stara jama» na režim površinskih i podzemnih voda, postojeću infrastrukturu, druge objekte i postrojenja, stečena prava korisnika, naselja i slično i dati prijedlog mjera za uklanjanje odnosno ublažavanje tih utjecaja.
 - 2.7. Projektnom dokumentacijom definisati aktivnosti koje se budu sprovodile tokom demontiranja i izvlačenja opreme iz jame kao i postupak pripreme jamskih prostorija za zatvaranje.
 - 2.8. Projektnom dokumentacijom otkloniti mogućnost privremenog ili trajnog odlaganja jalovine i viška materijala kao i opasnog otpada uz vodotoke, u području izvorišta vode za piće i sl.
 - 2.9. Projektnom dokumentacijom definisati da se jalovina, višak materijala, opasni materijal i otpad nastao u toku izvođenja radova na zatvaranju jame ne smije ni privremeno odlagati na česticu «vodno dobro», odnosno u vodotok i na njegove obale.
 - 2.10. Pri izradi tehničke dokumentacije pridržavati se zakonske regulative vezane za ovakvu vrstu aktivnosti, ekološko-ekonomskih zahtjeva te pravila struke i nauke.
 - 2.11. Investiciono tehnička dokumentacija mora biti urađena u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima, Pravilnikom o sadržaju, obliku, uslovima, načinu izdavanja i čuvanja vodnih akata, («Službene novine Federacije BiH» broj 31/15, 55/19, 41/20 i 63/22).
 4. Po izradi i reviziji investiciono-tehničke dokumentacije u skladu sa uslovima iz tačke 2. dispozitiva ovog Rješenja, a prije pribavljanja odobrenja za građenje, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
 5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
 - 5.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 5.2. Rješenje o urbanističkoj saglasnosti za zatvaranje pogona
 - 5.3. Dokaz o izvršenoj uplati upravne takse u iznosu od 60 KM.
 6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
 7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica, Rudnik mrkog uglja «Zenica» d.o.o. Zenica dana 07.11.2024. godine podnesen je ovoj Agenciji zahtjev za donošenje rješenja o prethodnoj vodnoj saglasnosti za ispuštanje tehnoloških otpadnih voda i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku zatvaranja pogona za eksploataciju i preradu mrkog uglja «Stara jama» u gradu Zenica a u postupku pribavljanja urbanističke saglasnosti za zatvaranje predmetnog pogona/jame.

U provedenom postupku dostavljena je i pregledana sljedeća dokumentacija:

- Ovjereni kopija Aktuelnog izvoda iz sudskog registra broj: 043-0-RegZ-24-001065 izdatog dana 04.04.2024. godine od strane Općinskog suda u Zenici,
- Kopija Uvjerjenja o registraciji poreznog obveznika izdatog dana 14.10.2020. godine od strane Porezne uprave Federacije BiH – Kantonalni porezni ured Zenica,
- Kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-6209-2/20 izdatog dana 09.12.2020. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-1/21-3-40-531-5/23 izdatog dana 07.05.2024. godine od strane «Agencije za vodno područje rijeke Save» Sarajevo,
- Kopija Odluke o potpunoj i trajnoj obustavi rudarskih radova u jami «Stara jama» Rudnika mrkog uglja «Zenica» d.o.o. Zenica broj: 15033/23 donesenoj dana 03.10.2023. godine od strane Direktora Društva Mensur Hukić,
- Kopija katastarskog plana za parcelu označenu kao k.č. broj: 1089/1 K.O. Zenica I, grad Zenica izdatog dana 04.09.2024. godine od strane Službe za imovinsko-pravne, geodetske poslove i katastar nekretnina Grad Zenica,
- Kopija Identifikacije parcela broj: 04-26-10-1579/22 izdato dana 25.02.2022. godine od strane Službe za imovinsko-pravne, geodetske poslove i katastar nekretnina Grad Zenica,
- Kopije Zemljišno knjižnog izvotka broj: 043-0-NAR-24-018 184 ZK broj: 918; broj: 043-0-NAR-24-018 186 ZK broj: 840 izdatih dana 09.09.2024. godine od strane Zemljišnoknjižnog ureda Općinski sud u Zenici,
- Kopija Zemljišno knjižnog izvotka broj: 043-0-NAR-24-021 395 ZK broj: 119 izdatog dana 25.10.2024. godine od strane Zemljišnoknjižnog ureda Općinski sud u Zenici,
- Dopunski rudarski projekat zatvaranja jame «Stara jama» RMU «Zenica» d.o.o. Zenica (rudarsko-mašinski i elektro dio) urađen od strane «RUDEX» d.o.o. Sarajevo (broj: 20/24, juni 2024. godine) revidovan od strane RMU «ABID LOLIĆ» d.o.o. Travnik, Bila – na uvid,
- Studija za izdavanje prethodne vodne saglasnosti za aktivnost zatvaranja pogona «Stara jama» Rudnika mrkog uglja «Zenica» d.o.o. Zenica u Zenici urađena od strane Rudarskog instituta d.d. Tuzla, oktobar 2024. godine,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 27.11.2024. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 30.11. i 01.12.2024. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju utvrđeno je:

- Eksploataciono polje pogona/jame «Stara jama» se nalazi u sjeverozapadnom dijelu Sarajevsko-Zeničkog ugljenog bazena (locirano na zemljištu označenom kao k.č. broj: 1082/1, 1083/1, 1084, 1085, 1086 i 1089/1 K.O. Zenica I) i zauzima površinu oko 1310 ha. U istom industrijskom krugu osim pogona «Stara jama» se nalazi pogon «Separacija», RJ Transport i RJ Elektromašinski remont i održavanje (EMRiO). U dosadašnjoj eksploataciji jame otkopavani su glavni i povlatni ugljeni sloj uz primjenu široke lepeze metode otkopavanja. Sve do sada korištene metode zasnovne su na zarušavanju otkopnih prostora, bez popunjavanja-zasipanja otkopnog prostora.

- U pogonu «Stara jama» polovinom mjeseca maja 2023. godine završeni su rudarski radovi na likvidaciji posljednjeg komornog otkopa u otkopnom polju OP-4 tektonskog bloka TB-III. Planirani rudarski radovi na pripremi rezervi glavnog ugljenog sloja u otkopnom polju OP-4 tektonskog bloka TB-IV su bili u zaostatku. Zbog nedostatka radne snage nije izrađen niti jedan metar šire pripreme u navedenom otkopnom polju što je dovelo do prekida u kontinuitetu otkopavanja.
- Rudarski radovi su obustavljeni Odlukom o privremenoj obustavi radova na pripremi i proizvodnji uglja broj: 9363/23 od 06.06.2023. godine a potom je uslijedila i Odluka broj: 15033/23 o potpunoj i trajnoj obustavi rudarskih radova u jami «Stara jama» Rudnika mrkog uglja «ZENICA» d.o.o. Zenica donesena dana 03.10.2023. godine od strane Direktora Društva.
- Po zahtjevu Rudnika mrkog uglja «ZENICA» d.o.o. Zenica podnesenog u Agenciju dana 24.11.2023. godine, za predmetni pogon doneseno je Rješenje o vodnoj dozvoli broj: UP-1/21-3-40-531-5/23 dana 07.05.2024. godine na osnovu dostavljenog Dinamičkog plana i Glavnog projekta vanjskog uređenja, odvodnje i tretmana tehnoloških otpadnih voda sa platoa ispred radionice i autopraonice za lokalitet RJ Transport lociranom u krugu kompleksa («IPSA INSTITUT» d.o.o. Sarajevo, juni 2011. godine) sa rokom važenja do 30.06.2026. godine i uz uslov da se aktivnosti obuhvaćene tačkom 2. dispozitiva rješenja u cjelosti poštuju.
- Odvodnja jamskih voda iz pogona «Stara jama» vrši se kaskadno ispumpavanjem jamske vode od nižih pumpnih stanica ka višim a potom vani. Iz najniže pumpne stanice PS GTU III u tektonskom bloku TB-III gdje su privremeno instalisane dvije centrifugalne pumpe, voda se ispumpava do glavnog vodosabirnika «PS-275» na horizontu 275 m i dalje čeličnim cjevovodom Ø200 mm kroz izvozno okno odvodi vani iz jame. Odvodnjavanje sa kote K-100 vrši se pumpnim sistemom iz vodosabirnika (PS-100) i dalje cjevovodom Ø100 mm vani iz jame. Odvodnjavanje s kote K-100,87 m vrši se potapajućom pumpom muljaricom u glavni otkopni preklap (GOP) i dalje u glavnu PS-400. Slivne i kapajuće vode iz svijetlog profila okna odводе su se drenažnim cjevovodom do vodosabirnika «PS-275». Pomoću «krive natege» i sabirnog cjevovoda Ø100 mm slivne i izvorske vode sa horizonta H-145 m se takođe odводе do PS-275. Kompletan količina vode iz vodosabirnika «PS-275» odvodi se vani gdje se jedan dio koristi za tehnološke potrebe prerade uglja (mokri postupak separisanja uglja) za potrebe pranja mašina i sapiranje kruga dok se ostatak ispušta u kanalizacionu mrežu kompleksa sa krajnjim ispuštom u gradsku kanalizacionu mrežu. Kroz kompleks prolazi gradski kanalizacioni kolektor na koji su priključene fekalne i oborinske vode okolnih naselja.
- Prema Studiji za izdavanje prethodne vodne saglasnosti za aktivnost zatvaranja pogona «Stara jama» RMU «ZENICA» d.o.o. Zenica urađenoj od strane Rudarskog instituta d.d. Tuzla, oktobar 2024. godine i Dopunskom rudarskom projektu zatvaranja jame «Stara jama» (rudarsko-mašinski i elektro dio) urađenom od strane «RUDEX» d.o.o. Sarajevo, juni 2024. godine utvrđeno je da će se zatvaranje pogona «Stara jama» izvršiti kroz nekoliko faza (demontaža i izvlačenje elektro-mašinske opreme će se podudarati sa fazama zatvaranja dijelova jame) sa definisanim mjerama zaštite. U postupku zatvaranja pogona nastajće izvjesne količine jamskih i drugih otpadnih voda koje će se morati adekvatno zbrinjavati izradom izolacionih objekata kratkih spojeva, stalnih izolacionih objekata za izolaciju otkopnih komora i stalnih izolacionih objekata u cilju izolacije dijela otkopnog polja i sl. Po završetku svih neophodnih radova na zatvaranju jame doći će do uspostave prirodnih procesa kretanja vode tako da neće biti potrebe za prepumpavanjem procjednih voda, koje su nastajale otvaranjem otkopnih polja, iz jame na površinu.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva - Rudnik mrkog uglja «Zenica» d.o.o. Zenica, su ovim vodnim aktom u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je dužan ispuniti prilikom izrade projektne dokumentacije potrebne u postupku pribavljanja vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama, člana 5. i člana 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio posebne troškove shodno Zaključku ove Agencije broj: UP-1/21-1-40-565-3/24 od 09.12.2024. godine.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje
vodnih akata



Nihad Pezo
Nihad Pezo, dipl.inž.građ.

Dostaviti:

- RMU «Zenica» d.o.o. Zenica
ul Stjepana Radića br 2, 72000 Zenica
- ⊖ AVP Sava, ISV-vodna knjiga
- Sektor 40 – arhiva
- Oglasna ploča AVP Sava